

Forsætisráðherra
Katrín Jakobsdóttir
Stjórnarráðshúsinu við Lækjartorg
101 Reykjavík

Bakkafirði 3. mars 2018

Efni: Málefni byggðarinnar við Bakkaflóa

Um nokkurt skeið hefur starfshópur skipaður fulltrúum íbúa, sveitarfélagsins, stoðstofnana og þingmanna kjördæmisins verið að skoða til hvaða aðgerða mætti grípa til að styrkja stöðu byggðar á Bakkafirði og Langanesströnd og koma í veg fyrir algert hrun hennar sem veruleg hætta er á. Afrakstur vinnunnar er að finna í meðfylgjandi greinargerð en starfshópurinn leggur áherslu á að þær megin tillögur sem þar eru tilgreindar nái fram að ganga, en það er að mati hópsins forsenda fyrir því að frekara þróunarstarf til styrkingar byggðinni geti farið fram. Rétt er að fram komi að Byggðastofnun hefur ekki fjallað um tillögurnar.

Þessar megin tillögur starfshópsis eru eftirfarandi:

- Aflaheimildir skv. 10. gr. laga nr. 116/2006 (sértækur byggðakvóti Byggðastofnunar) verði a.m.k. 300 þorskígildistonn frá og með fiskveiðiárinu 2018-2019.
Ábyrgðaraðilar: Byggðastofnun, atvinnuvega- og nýsköpunarráðuneyti og Alþingi.
- Settir verði viðbótarfjármunir í samgönguáætlun ásamt með fé af viðhaldslið til að ljúka lagningu bundins slitlags á þann hluta þjóðveg 85 á Langanesströnd sem ólokið er á árunum 2018-2019 og varanlegri vegagerð um Brekknaheiði verði lokið á árunum 2019-2021.
Ábyrgðaraðilar: Vegagerðin, samgöngu- og sveitarstjórnarráðuneyti og Alþingi.
- Byggðin við Bakkaflóa verði tekin inn í verkefnið *Brothættar byggðir* frá og með 1. júní 2018 og ráðinn verkefnisstjóri staðsettur þar til að stýra verkefninu.
Ábyrgðaraðilar: Byggðastofnun, Langanesbyggð, Atvinnuþróunarfélag Þingeyinga og íbúasamtök (hverfisráð) á Bakkafirði.
- Átak verði gert í að efla nærþjónustu með þjónustukjarna líkt og fordæmi eru fyrir, m.a. á Þingeyri (Blábankinn) þar sem ríkisvaldið hefur lagt til fjármuni í samstarfi fleiri aðila.
Ábyrgðaraðilar: Langanesbyggð, Byggðastofnun og samstarfsaðilar (Landsbankinn, Samkaup, Pósturinn, Heilbrigðisstofnun Austurlands o.fl.)
- Sett verði í gang tilraunaverkefni, t.d. til næstu þriggja ára, um reglubundnar almenningssamgöngur milli Bakkafjarðar og Þórshafnar með sértækum stuðningi ríkisins. Þannig verði unnt að sækja skóla, vinnu, verslun og eiga önnur samskipti milli staðanna með greiðum hætti. Ferðir morgna og síðdegis miðist sérstaklega við þarfir atvinnulífs og skóla, en ferð um miðjan daginn myndi mæta ýmsum almennum þörfum þar til viðbótar.
Ábyrgðaraðilar: Langanesbyggð, Eyþing, Vegagerðin, Byggðastofnun og samgöngu- og sveitarstjórnarráðuneytið.

Með bréfi þessu er óskað eftir fundi með forsætisráðherra og eftir atvikum öðrum ráðherrum, til að fylgja erindinu úr hlaði og skýra einstök atriði málsins frekar.

Sinnur Kjartan

Arni Bragi Njálsón

Porskeinn Egir Egilsson

Jósef P. Halldórsson

Marius A.

Njáll Trausti Friðbertson

Pænni Egiðlotti

Ela Petrus

Ragnheiður

Reinhard Þegnissar

Björn Bj.

Fylgiskjöl: Ákall íbúa á Bakkafirði um hjálp dags, 19. febrúar 2018
Greinargerð starfshópsins um málefni byggðarinnar við Bakkaflóa